

Chag-ay isnan Achog

Bontoc Ikhilot

Chag-ay isnan Achog

Funeral Songs

by Felix Khensay



Bontoc Scripture Society

Publisher

1993

Additional copies of this publication are available from:
The Bontoc Scripture Society
Bontoc, Mountain Province

Funeral Songs in Central Bontoc

02.73-1093-6C 35.120-933034B

ISBN 971-157-061-0

Printed in the Philippines

Nan Linaona

Ad-icha Ammo	41
Ad-i Kayo En-ag-akha'y Iib-a	18, 55
Ad-i Maammowan nan Omaliyan Cristo	67
Ad-i Maamas nan Kalina	58
Ad-i Tako Ngomaya	50
Afaken Jesus si Satanas	6
Ensasakhana Tako isnan Omaliyan Cristo	65
Ensasakhana Tako Tay Omali si Cristo	69
Entayenten nan Anito	8
Fangonen Cristo nan Am-in ay Takho	21
Fomangon kasin nan Am-in ay Takho	22
Fasol Chokokhan Tako	32
Ilaen Tako Am-in si Cristo	46
Kag Karnilo nan Takhon Apo Dios	24
Laylaychen Apo Dios si Job	11
Machad-ayaw si Dios Ama	27
Maid Mangammo isnan Aliyan Cristo	68
Maila nan Pammatin nan Takho isnan Okhalina	52
Maipalikhat nan Mamati ken Cristo	51
Nakhasat nan Maayakhan isnan Kasar Cristo	4
Nan Chonon Satanas	29, 62
Nan Enkhawisan nan Entey-an id Chaya	12
Nan Ili ay Inakhalan Jesus	31
Nan Kaokoman Tako	54
Nan Kasasaad nan Mamati	35, 37
Nan Kasasaad nan Etey nan Kristiyano	64
Nan Kasasaad Tako id Kasin	59
Nan Kasin Aliyan Cristo	66
Nan Khotok nan Inmaliyan Jesus	42, 56
Nan Lagsak nan Kristiyano	15
Nan Machosa ay Machosa	53
Nan Makhanob nan Nakapet ken Apo Dios	48

Nan Mangad-i ken Jesus, Ad-iyencha si Apo Dios	30
Nan Mangikatpe isnan Likhat Khapo ken Jesus	44
Nan Naan-anitowan id Gerasimo	61
Nan Naisisikhod ay Kasasaad nan Takho	63
Nan Naiyornos ken Apo Dios	38
Nan Naiyornos ken Cristo	33
Nan Nakapet ken Cristo	3
Nan Nalaing ya Nasilib ay Takho	43
Nan Nanakhowan Jesus ken Lazaro	1
Nan Nangilasat isnan Likhat	40
Nan Naoney ay Takho	49
Nan Nasopit ay Segpan	17, 57
Nan Natagowan Lazaro	5
Nan Nateyan Esteban	19
Nan Nateyan Lazaro	25
Nan Okhalin Job	9
Nan Ong-onga ay Finangon Jesus isnan Etey	45
Nan Takho ay Mapakawan	26
Nan Tet-ewa ay Isaknang	13
Nan Tet-ewa ay Ikachangyan	14
Nan Timpo ay Omaliyan Cristo	39
Naoney nan Maipapatey Maigkhapo ken Cristo	20
Sad-en Apo Dios nan Takhona	34
Seg-angan Apo Dios nan Mamati	2
Selaeg nan Tapina	47
Si Apo Dios nan Inmipalin-awa	28
Si Jesus nan Osto'y Chalan	16
Si Job nan Mawaned	10
Sino nan Egyaten Tako?	60
Sino nan Sagkhong Tako?	36
Tinmoli si Apo Jesus id Chaya	70
Tomokkhong Fomadsachang si Apo ay Dios	23
Yangyangan Jesus nan Anito	7

Nan Inmona ay Casset

1 Nan Nanakhowan Jesus ken Lazaro

Juan 11:17-44

Ayog: Minainit Antoway

1. Nan nateyan Lazaro.
2. Akhin san cha Marta ken Maria.
3. Angsan sagkhongcha ay nen-achog.
4. Jesus mid issan kaofana.
5. Kanan Marta ken Cristo,
6. “Mo sa ya wad-ay ka'y Apo
7. et nget ad-i matey si Lazaro.”
8. Ya ket inmali si Apo'y Cristo.
9. Tinakhon Cristo si Lazaro.
10. Siya khes nan angnena's tap-in akhew
11. ken chatako'y mamati ken siya.

2 Seg-angan Apo Dios nan Mamati

Efeso 2:1-9

Ayog: Follaway

1. Kaag tako natey ad kasin.
2. Maid parmati tako ken Dios.
3. Anito nan inafolot tako.
4. Mid khawis is sad-en tako.
5. Chosan angkhay nan fasol tako.
6. Ngem khawis tay maseg-ang nan Dios.
7. Mid pengpeng nan seg-angna.
8. Iyornosna chatako ken Cristo.
9. Igwana nan falo ay fiyag.
10. Machayaw siya's nan inangnena.

3 Nan Nakapet ken Cristo

Santiago 1:12-18

Ayog: Ischoka - Ancho

1. Oney nan takho'y nakapet ken Cristo.
2. Olay mo malikhatan ya anosana.
3. Mo maanosana ya masobfalitan siya.
4. Misofalit ay fiyag ay mid pengpengna.
5. Ad-iyen Dios nan ngaag nan angnena.
6. Machayaw ka'y Dios ay enyamananmi
7. tay khinaebmo nan am-in
8. tay nalenteg nan pinag-okommo.

4 Nakhasat nan Maayakhan isnan Kasar Cristo

Nan Naipaammo 19:5-10

Ayog: Ischoka - Aptik

1. Nakhasat nan makikasar
2. isnan kasar Apo Cristo.
3. Nakhasat nan cheycha'y maayakhan.
4. Maagtan cha's facho'y maifakhay
5. ay ad-i kachod-ongetan.
6. Maton chi's khawis ay okhali.
7. Makilagsak cha's engkhana.

5 Nan Natagowan Lazaro

Juan 11:17-44

Ayog: Bayao

- | | |
|--|---|
| 1. Dayaw ken siya'y Dios Apo
ay men-iyamanan tako
isnan nay adog tako
panggep sinan pinmoko
pinmoppoo da nay nadko. | 3. Siya di't inadoganda
si Lazaro id Bitanya.
Da da't ikaot siya
issan kamaidna Apo Jesus
ay gayyemna
san da Martha ken Maria. |
| 2. Ay panggep ken Lazaro
ay natey kasin natago.
Tay tinagon Jesu Cristo
ay gayyem din sin-ag-i ay tolo
Maria, Martha ken Lazaro. | 4. Awni da't inmali
si Jesus id Bitanya.
Kanana et san si Martha,
“Mo sa man ya wada ka
waay adi matey siya.” |

5. Ay da't pay tomba si Jesus.
Inbagana ken Marta
ay nanab-at ken siya,
“Adi ka madanagan
tay awni't bomangon siya
san ton-odyo, agiyo'y si
Lazaro.
Natey ngem kasiñ tomago.”
6. Ya dan et kanan Martha,
“Tet-ewa ay patiyek sa.
Lazaro kasiñ bomangon
is kagibosan di lobong.”
7. Kanan et Apo Cristo,
“Tet-ewa sak-en nan podno.
Sak-en nan makatago
isnan natey ay madko.
Ya sak-en nan da nadamag
ay kalpowan nan en yo biyag.”
8. Intoloy Cristo ay mangwani,
“Nan tago ay mamati
ken sak-en enbiyag si enggana.
Ya amed gawis nan biyagna
is kasiñ bomangonana.”
9. Ay da da't pay ipango
si Apo ay Jesu Cristo
sidi'n naikaotan Lazaro.
Kanan da't en,
“Kho! Kho! Kho!
Minpeteg, man-akhoo
tay mikap-at et ay agewna
manipod naikaotana.”
10. Da't kanan Apo Cristo,
“Maid od pammatiyo
ngem awni't ilaenyo.
Kaskasdaaw ingkan di Apo.”
11. Da da't kaanen san bato
ay eneb din pantiyong Lazaro.
Da't nenbogaw ay nenlowalo
san si Apo ay Cristo
ken Amana id tongdo,
“Bomangon ka Lazaro.”
12. Da't bomangon tet-ew si
Lazaro
ay etek ka's milaglo.
Kamabbalin Dios Apo
ay naidaan ken Cristo.
Ay nasdaaw da't nan tago
ay ipogaw ay Judio.
13. Kag pay es ken datako.
Etey maid eyyat tako
tay nan etey siya nan daan
ay omey sinan kad-an
Apo tako ay Dios.
Siya nan en tako enyamanan
ya menpadayawan.
14. Siya di nan kankanan
nan naay bayao.
Siya di nan bayao.
Siya di nan bayao.
Ay yo bayao ay way ay yo.

6 Afaken Jesus si Satanas

Hebreo 2:14-15

Ayog: Ayyeng in Alab

1. Siya na nan angnen Satanas.
2. Manailo's nan takho.
3. Ammon Satanas nan nalaka ay maawis.
4. Ngaag ay takho machosa.
5. Omegyat nan ngaag ay matey.
6. Maid egyat nan mamati'n Cristo.
7. Inafak Jesus si Satanas.
8. Dios madad-ayaw inigwana's Jesus.

7 Yangyangan Jesus nan Anito

Lucas 4:31-37

Ayog: Jesus Ali Ka'n Sak-en

1. Id Capernaum si Cristo
inmey et nen-isolo.
Nenngao et san takho
ay sinkhep si anito.
2. “Ngag ngotom ken chakami.
Ay pomakawas ka ngen?
Ammok sik-a'y nasantowan.
Anak ka's Katotongchowan.”
3. Yinangyangan et Cristo
san ngaag ay anito,
“Kaan ka. Ikhinekmo.
Taynam nan sana'y takho.”
4. Nenkolipagpag san takho.
Nen-awe san anito.
Finmala issan takho
san nankhep ay anito.
5. Nan takho natakag cha.
Nen-asisalodsod cha.
Kananchan, “Sino man na?
Ke falo'y sos-olo na.”
6. Wad-ay pet kamabfalin
ton-a'y mangipakaan
isnan anito'y ngaag.
Ke cha pet patpatyen siya.”
7. Nan am-in ay ili
nenlilwes id Galilea
nan naangnen chinngecha.
Si Jesus chinayawcha.

8 Entayenten nan Anito

Lucas 10:17-20

Ayog: Aleluya

1. San inaliyan Jesus, aleluya
inafakna's Satanas. Aleluya.
2. Nan anito ay cheycha, aleluya
chachama nan egystacha. Aleluya.
3. Nenkamamaid amin, aleluya
am-in kamabfalincha. Aleluya.
4. Mo chengngench si Jesus, aleluya
entayenten cha'y chadlos. Aleluya.
5. Siya et na nan migkhapo, aleluya
ay inmali si Cristo. Aleluya.
6. Ta mawayaan tako, aleluya
isnan cheycha'y anito. Aleluya.
7. Ta mapakawan tako, aleluya
ya omey tako'd tongcho. Aleluya.
8. Omyey si Apo Cristo, aleluya
ken Ama ay Dios Apo. Aleluya.

9 Nan Okhalin Job

Job 1:6-12

*Ayog: Tanglag,
Ahay Ahay, Diddiyaw*

1. Issan naamongancha
nan takhon Dios id chaya
wad-ay khes ken chaicha
Satanas nan ngachana.
Ahay ay.
2. Sinalodsod Dios Ama
ken Satanas id chaya,
“Ngag man nan cham ang-
angnen?
Ngag nan cham an-anapen?”
Ahay ay.
3. **Satanas:**
“Cha ak man manad-alan
is olay ento'y ayan.
Cha ak man enfadfachoy.
Takho chak en ikhoykhoy.”
Ahay ahay ensalidomaay ahay.
4. **Apo Dios:**
“Job ad-im ngen ammo siya?
Khawigkhawis tet-ewa
isnan kinakapetna.
Sak-en ichad-ayawna.”
Ahay ay.
5. **Satanas:**
“Tet-ewa's tomet-ewa.
Allaw allaw Jobbaa
tay man insalakam siya.
Nan akhes pangafongna.”
Ahay ahay insalidomaay ahay.
6. **Apo Dios:**
“Mid makaiso ken Job.
Tet-ewa ay naannad.
Mid kakkakwaniyana
isna ya is kalota.” Ahay ay.
7. **Satanas:**
“Am-in ay cha na ikkan
o diddiyaw
et em binindisiyonan.
O diddiyaw diyaw di alilay.
Naanay nan inchowam.
O diddiyaw.
Fakana angsaangsan.
O diddiyaw diyaw di alilay.
8. **Satanas:**
“Mo sa ya kaanem od
nan bendisyonmo ken Job
at faosana sik-a.
Faos ka ay Dios Ama.”
Ahay ahay insalidomaay ahay.
9. **Apo Dios:**
“Isnan kokwan Job am-in
angnem laychem ay angnen.
Ad-im magtek sokhaten
nan awak Job ay anen.”
Ahay ay.
10. **Koro:**
Inpalikhat Satanas.
Nan kokwan Job naamas.
Ngem khechangna'y
khechangna
sisya nan pammartin. Ahay
ay.
11. **Koro:**
Kag akhes ken chatako.
Si Job ton-ochen tako.
Mo omchan nan katepngan
Masapol ay anosan. Ahay ay.

10 Si Job nan Mawaned

Job 2:1-10

*Ayog: Soslay, Balweg,
Tanglung, Salikoya*

1. **Koro:**
Kasin naamong nan takhon
nan Dios
Et wad-a's chi san si Satanas.
Sa et nan Dios Ama
kinwaninan,
Apo Dios:
“Ento kay nan innayam?”
2. **Satanas:**
“Cha ak man manad-alan
is olay ento'y ayan.
Cha ak man enfadfachoy.
Takho chak en-ikhoykhoy.”
Allilay allilay siya mampay.
3. **Apo Dios:** “Siya mampay.
Si Job et ad-im ngen ammo
siya?
Khawigkhawis ay tet-ewa.
Inmawis ka ta anginem ken siya
isnan am-in ay kokwana.”
4. **Satanas:**
“Nan takho et kanancha,
Olay mammid nan kokwa.
Mo ket ya matakho siya
ad-i fali nan kokwa.”
Allilay allilay siya mampay.
5. **Apo Dios:** “Siya mampay.
Olay pinakawasmo'y kokwana.
Olay pinateymo'y an-akna
ngem khechangna ay
khechangna
nakapet kayet ken sak-en
siya.”
6. **Satanas:**
“Kanak mo sa man od
Ta palikhatek si Job
7. **Apo Dios:** “Siya mampay.
Engka't mampay ta cngka et
angnen.
Ngem nan awakna ad-im
pateyen.”
8. **Koro:**
Inpalikhat Satanas si Job.
Et cha aped enkobkofookob.
Chadlos siya nalikhalkhathan
tay awakna nafoyofoyoyan.
9. **Asawan Job:**
Kinwanin asawan Job,
“Aped ka's enkosokob.
Ad-i ka't achi matey.
Faosam Apo Diosacy.”
Ahay ay.
10. **Job:**
Si Job ct kinwanina ahay ay
ken siya ay asawana,
salikoya ay tet-ewa ahay ay.
“Lawa man sa's kankanan.
Ahay ay.
Ad-im ngen paat semken?
Salikoya ay tet-ewa ahay ay
Nan Dios nan mangichowa.
Ahay ay.
Siya akhes alaena.
Salikoya ay tet-ewa ahay ay
Machad-ayaw Dios Ama.
Ahay ay
isnan engkhaengkhana.”
Salikoya ay tet-ewa ahay ay.
11. **Koro:**
Kag akhes ken chatako
si Job ton-ochen tako.
Olay siya chi likhatna
eg-ay kayet nginmaya. Ahay ay.

Nan Maikadwa ay Casset

11 Laylaychen Apo Dios si Job

Job 19:21-26

Ayog: Indadkan

1. Laylayden nan Dios si Job tay tago siya ay nalenteg. Ngem maigapo ken Satanas nenligat siya dadlos. Et siya nan kinwanina isnan enyangyang ken siya.
2. “Dakayo aloyosko asop someg-ang kayo. Omipaligat kayo ay kag nan Dios Apo. Ayaka di’s inangnenyo! Menseg-ang kayo.
3. Mo sa wad-ay paat esang ay manmek isnan kalik ta isolatda isnan liblo ta adi malipatan. Paymo maitiktik isnan bato ta adi malidongan.
4. Ngem nan ammok wada’d tongdo nan Apo ay tomago. At siya nan deey omisalak ken sak-en idwanin. Olay kag tona ay ligatko ilak nan Dios Apo.”

12 Nan Enkhawisan nan Entey-an id Chaya

Nan Naipaammo 7:9-17

Ayog: Ischoka - Ancho

1. Id chaya ya maid matey ya mid en-akha.
2. Mid khofat, ya owat, ya atong ken lateng.
3. Tay pinonasan Apo Dios nan akha.
4. Oney nan takho’y omey ad chaya.
5. Makia po ken siya id chaya’s engkhana.

13 Nan Tet-ewa ay Ifaknang

Lucas 12:32-34

Ayog: Longayban

1. Chwa’y ila nan chey kanan Cristo nan ikachangyan tako’y takho. Et nan esang siya chi nan chey kalotaan ya nan akhes naispiritowan. Nan takho ay cheycha’y tapina maid et teken si semkencha mod-i yangkhay is ifaknangcha isnan nay ay fakinlolota.

2. Sa et kinwanin Jesu Cristo,
 “Ischi’d chaya nan ifaknangyo.
 Kanak ilakoyo’t am-in nan kokwayo.
 Nan cheycha’y posi mangigwalanyo.
 Et mo siya chana nan angnenyo
 at awni et men-ornong kayo
 isnan chey en yo ikachangyan
 ay adi paat mangmangkhayan.
3. Nan chey ay ifaknangyo’d chaya
 tet-ewa mid enkolangana.
 Tet-ewa chi ay ad-i en machad-angew
 ya tet-ewa maid mangak-akew.
 At chadlo malaylaychan kayo
 isnan cheysha ay ifaknangyo
 ya at mitapi kayo ischi.
 En-apo kayo’y kag nan ali.
4. Siya et na nan cheey chomalat
 ay ad-i kayo man omegyat.
 Tay nan etey et siya nan maiyanakan
 isnan cheey falo ay enfiyakhan.
 Chomalat et na ya migkhapo
 matey omon-onan takho
 esa pay omey ischi’d tongcho
 ay makiili ken Dios Apo.”

14 Nan Tet-ewa ay Ikachangyan

Lucas 12:16-21

Ayog: Leng-agno’y Jesu Cristo

1. Nay nan chadlos tet-ewa
 am-in nan naycha’y kokwa
 isnan fakinlolota
 ad-ik ikachangyan na.
 Isnan fakinlolota
 et ad-ik pay ikachangyan na.
2. Tay fiyag isna ay lota
 sin-ak-itán yangkhay na.
 Am-in ay pinakokwa
 maamas am-in chana.
 Am-in ay pinakokwa
 et maamas pay am-in chana.
3. Naay et nan wedwecha
 nan kowaen id chaya.
 Am-amet et na’s pewchan
 id chaya’y ikachangyan.
 Am-amet et na’s pewchan
 et ischi’d chaya’y
 ikachangyan.

15 Nan Lagsak nan Kristiyano

I Corinto 15:12-32

Ayog: Sinandowa I

1. Tay kasi natakho siya
si Apo Jesu Cristo
nan lagsak tako chachama
ay makwanin Kristiyano.
2. Finangon nan Dios Apo
si Apo Jesu Cristo
ta pangil-an nan takho
ay kasi cha matakho.
3. Nan etey et siya nan chosa
nan fasol ay kanancha.
Tay nenfasol et si Adam
et matey tako kay man.
4. Chatako ay naiyolnos
ken Apo tako'y Jesus
tay fasol napakawan
waschin pay et enyaman.
5. Si Jesus nan inmona
ay finangon Dios Ama.
Is kasi aliyana
takhona amongena.
6. Etey, ngaag, anito
at maafak cha'n Cristo.
Is akhew kamodchiyana
at maid kafaelancha.
7. Mid egyat nan Kristiyano
olay pay mo matey cha.
Tay pammaticha ken Cristo
et nay nisalakancha.
8. Tay fangonen kasi Cristo
am-iam-in nan takho.
Igwana'y khawis ay fiyag
id chaya'y kalal-ayad.

16 Si Jesus nan Osto'y Chalan

Juan 14:1-6

Ayog: Anacy

1. Kinwanin san si Jesus,
“Sak-en nan tet-ewa'y
chadlos.
Malpo nan fiyag ken sak-en.
Sak-en nan osto'y chalanen.
2. Maid makaeey ken siya
ken Ama id chaya.
Omali ken sak-en ona
esa omey ken Ama.”
3. Chatako'y niyolnos
ken Apo tako ay Jesus
ad-i tako enngongoyos.
Lomiwliwa's Apo Dios.
4. Idwanin maid egyat.
Layad ya seg-ang nisokat.
Etey siya nan pantew
ay omey ischi'd chaya.

18 Ad-i Kayo En-ag-akha'y Iib-a

Juan 14:1-6

Ayog: Ad-i Kayo En-ag-akha'y Iib-a

1. Apostoles enngongoyos
cha isnan kinwanin Jesus.
Tay is timpo'y kamodchiyan
at maid ilancha ken siya.
6. "Tay ammoyo met nan chalan
id chaya ay chey ek ayan."
Ya ket Thomas kinwanina,
"Ento et nan ikakkana?"

Koro:

"Ad-i kayo en-ag-akha'y iib-a."

2. Et kinwanin Apo Jesus,
"Ad-i kayo enngongoyos.
Id chaya omon-on a ak.
Entey-anyo isakhanak."

Koro:

"Ad-i kayo en-ag-akha'y iib-a."

3. "Chadchakowag afong Ama.
Angsaangsan nan kowartocha.
Sya chachi ek isakhana.
Ad-i kayo somasanga."

Koro:

"Ad-i kayo en-ag-akha'y iib-a."

4. "Et tet-ewa nan nay kanak
tay is omali ay timpo
ay kifosna omali ak
et sak ayakhan chakayo."

Koro:

"Ad-i kayo en-ag-akha'y iib-a."

5. "At iyeyko chakayo'd chaya
isnan chey ek isakhana.
Makitee kayo'n sak-en
ischi isnan eng-engkhana."

Koro:

"Ad-i kayo en-ag-akha'y iib-a."

Koro:

"Ad-i kayo en-ag-akha'y iib-a."

7. Ya ket ay kinwanin Jesus,
"Sak-en nan osto ay chalan.
Sak-en nan tet-ewa'y chadolos.
Nan fiyag sak-en en na
kalpowan."

Koro:

"Ad-i kayo enhwadchwa ay iib-a."

8. "Maid makaeey ken siya
ken Ama ischi id chaya.
Sak-en ona aliyan
esa pay omey ken Ama."

Koro:

"Ad-i kayo en-ag-akha'y iib-a."

9. Chatako ay naiyolnos
ken Apo tako ay Jesus
maid et san egyat tako.
Innipadchine si Cristo.

Koro:

"Ad-i kayo enhwadchwa ay iib-a."

10. Idwanin maid et egyat.
Layad seg-ang nan naisokat.
Nan etey siya nan pantewna
ay omey ischi id chaya.

17 Nan Nasopit ay Segpan

Lucas 13:24

Ayog: Bibak

1. Eestenyo ay somkhep
isnan chey ay nasopit
ay segpan ischi'd chaya.
Ad-i kayo ngomaya, ad-i ayo.
2. Mamachas et angsan cha
ay somkhep ischi'd chaya.
Ento mo en cha somkhep
kc cha't ad-i makaskhep,
tet-ewa na.

Koro:

Eestenyo ay somkhep id chaya
isnan chey nasopit ay chalan.

19 Nan Nateyan Esteban

Apostoles 7:54-60

Ayog: Bayao - Gonongan

1. Bayao ya lowalo
ken siya'y Dios Apo
ay menyamanan tako
isnan adog di nadko.
2. Dengngenyo nan mipoon
isnan etey Esteban
ay nakapet ken Cristo
ya nalenteg ay tago.
3. Bcgew nangwaniyana
sinan ib-ana'y Judio,
“Ngawi nan iningkanyo ken
Dios Ama.
Pinnateyo'n Anakna.”
4. Siya et di nan migapo
linmigtan nan Judio.
Esteban ginoyodda
is benget di ilida.
5. Esteban ginnayangda
enggana ay natey siya.
Wada ay natakdo
ken siya nan Ispirito.
6. Nentangad da na't ilan
Anak Dios ay
menlanglanglang.
Kannawan Dios Ama
tomakdeg nan Anakna.
7. Isnad da da gayangan
kinwanin et Esteban,
“Dawatem Apo Cristo.
Patpatgem ay leng-agko.”
8. Nenyodong ya nenngao,
“Pangaasim Apo.
Adim ibilang koma
nan naay ay basolda.”
9. Nalpas di et natey siya.
Inmey leng-agna'd daya.
Siya di tay naiyolnos
ken Apo tako'y Jesus.
10. Binigbigna's Dios Ama.
Si Jesus Anakna
ay wada nan-ed ken siya
issan deey nateyana.

- 11. Si Esteban naanos
et pinakawan nan Dios.
Et nan namatey ken siya
ages pinakawana.
- 12. Si Esteban ay deey
maid egyatna ay natey.
Maipoon gasatna
nangayagan Cristo ken siya.
- 13. Asop ya si Esteban
siya nan en mensalmingan.
Pammatina tet-ewa.
Panggep di nateyana.
- 14. Kag abes ken datako.
Mo si Jesus talken tako
at kag tako ken Esteban
ay da en tako omayan.

20 Naoney nan Maipapatey Maigkhapo ken Cristo

Nan Naipaammo 20:4-6

Ayog: Inagkhid - Aptik

1. Nakhasat cha nan naipapatey
2. mipoon isnan layadcha ken Cristo.
3. Natoled cha ay mangisakit ken Cristo.
4. Sa cha't insolo nan kalin nan Dios.
5. Inad-icha's Satanas ya anito.
6. Nafangon cha isnan etey.
7. At makiapo cha ken Jesu Cristo.
8. Enfalin cha ay pachin nan Dios.

21 Fangonen Cristo nan Am-in ay Takho

Lucas 8:40-56

Ayog: Ayyeng in Alab

1. Ke ka pet nachoyna
olay mo maid fiyagmo.
2. At matakho ka kasin
is aliyan Jesu Cristo
3. ay mangokom isnan takho.
Ya ket kinwanin Cristo
4. at maid maam-amas.
Tay is kamaodchiyana
5. at chadlo omayag siya.
Takho ay angsaangsan
6. posí ya ngaag ya faknang.
Nan takho fangonena
7. is timpon pinag-okomna.
Kinwanin san si Cristo
8. isnan chey anak Jairus,
“Anakko fomangon ka!”
9. Sinmakhong leng-agna.
Sa cha et pinangan siya
10. san safai ay ong-onga.
Tay faken anito siya.
11. Wad-ay met nan awakna.
San ong-onga natakho.
12. Kag akhes ken chatako.
Fomangon tako
13. is omaliyan Cristo
ay mangokom isnan takho.

22 Fomangon kasin nan Am-in ay Takho

1 Corinto 15:12-32

Ayog: Chorwassay

1. At kag tako'n Cristo'y kasin matakho.
2. Finangon nan Dios Apo si Cristo.
3. Pangil-an ay at fomangon tako
4. is kifos ay sa aliyan Cristo.
5. At afaken Cristo am-in ay ngaag.
6. Nan khawis at iyeyna id chaya.
7. At makiapo cha's chi's eng-engkhana.

Maikatlo ay Casett

23 Tomokkhong Fomadfachang si Apo ay Dios

Salmo 121

Ayog: Bataan

1. Cha ak man enmonmonaang mo ento'y kalpowan
nan omali ay chey fachang?
Ya ke pet malpo ken Dios Apo ischi'd tongcho
ay nenwad-ay ken chatako.

Koro: Tomotokod isnan katokangak nan Dios.
Tomokkhong, fomadfachang ay chadlos.
Si Apo ay Dios ad-i paat maseyep siya.
Nan Ikholut saknifana.

2. Chadlos tomotokkhong si Apo'y Entotongcho.
Siya tomakho, tomatakcho.
Isnан inakhew ya minaschem kad-ikad-in
aatwanan nan Dios sak-en.
3. Am-in ay kakaegyat tomakho siya kayet
ya olay entona'y ayak.
Ya chadlos inchinek nan Dios ay namnamak.
Ken siya maid enhwadchwaak.

24 Kag Karnilo nan Takhon Apo Dios

Lucas 15:1-7

Ayog: Senandowa I

1. Nan takhon nan Dios Apo
miyalig cha's karnilo.
Mo way esa's madchongaw
anapen Jesu Cristo.
2. Et mo maanapana
chachama nan lagsakna.
Olay nan anhelesna
chaicha enlagsak cha.

25 Nan Nateyan Lazaro

Juan 11:20

Ayog: Alas! Into A Well A Lovely Nena

1. Okhochek nan nateyan Lazaro
ay akhin cha Maria
ken Marta ischi'd Betanya.
2. Et inachokhancha si Lazaro
ya inkaobcha siya
issan kamaichan Jesus.
3. Kinwanin Marta ay
mo sa wad-ay
si Jesus issan chey
et Lazaro ad-i matey.
4. Ngem kinwanin Jesus,
“Ad-i kayo
madchanakhan tay fomangon
kasin si Lazaro.”
5. “Patyek,” kinwanin Martha,
“ay kasin
fomangon is kifos
nan nay lofong si Lazaro.”
6. Kanan Jesus
siya nan tomakho ya
kinwanina akhes
ay siya nan kalpowan nan chey
fiyag.
7. “Nan takhok ay kasin
fomangon
amed khawis nan fiyagna
ya matakho is engkhana.”
8. Sa cha't inpango si Jesu Cristo
ischi's nikaofan
san akhicha ay Lazaro.
9. Kanancha't ken Cristo en,
“Kho! Kho! Kho!
Tay mikap-at et na
ay akhew nikaofana.”
10. “Ad-iyo patyen ngem ilaenyo
nan katataa ay
angnen nan Dios,” kanan
Cristo.
11. Sa cha't kinaan nan fato ya
nenlowalo's Jesus, nensokhaw,
“Lazaro fomangon ka!”
12. Kaman soyag ya man ket
tet-ewa'y
finmangon Lazaro.
Ket ay nataa san takho.
13. Nan mamati'n Jesus mid
egyatcha
isnan cheey etey
tay khawis nan faloy' fiyagcha.
14. Maid egyat tako isnan etey
tay chalan chi omey
id chaya'y kawad Diosaeuy.

26 Nan Takho ay Mapakawan

Lucas 7:40-50

Ayog: Jesus Ali Ka'n Sak-en III

1. Nan takho ay mangammo
ay wad-ay nan fasolna
et omeyp ken Jesus siya
ta omeyp enpakawan.
2. Et mo mapakawan siya
chachama nan yamana.
Et akhes-nan layadna
ken Jesus omad-acha.
3. Et kanana en, “Apo
Jesus pomakawan ka.
Ya Apo Jesus, Diosko
Apok laylaychek sik-a.
4. Ad-ik kasin ang-angnen
nan chey ek nenfasolan.
Chachama nan fasawik
nay et ek naleng-akhan.”
5. Nan chey takho'y mangwani
ay akit nan fasolna
ay mangwanin khawis siya
akit layadna'n Jesus.
6. Layadmo'n Jesus akit
kag ka san nakimit.
'dim ammo'y way kolangmo.
Ad-i ka mapakawan.

27 Machad-ayaw si Dios Ama

Lucas 24:44-49

Ayog: Sigsigorado Dominguez

1. Jesus inpaawatna, alilay
nan chey nemnem Apo Dios.
Alila ay ay.
 2. Mipaila'y masapol, alilay
masapol ay matey siya.
Alila ay ay.
 3. Idwani et mabfalin, alilay
ay mapakawan tako.
Alila ay ay.
 4. Infaagna'n chaicha, alilay
ta iwalakhawagcha, alila ay ay
nan khawis ay okhodna, alilay
Jesus Anak Dios Ama.
Alila ay ay.
- Koro:**
Dios machad-ayaw tay si Jesus
kasin et natakho.
Alila ay ay.

28 Si Apo Dios nan Inmipalin-awa

Ayog: Jesus Ali Ka'n Sak-en

- | | |
|--|---|
| 1. Dios Ama'y Entotongcho
laylaychek nan ngachanmo.
Sik-a nan enchayawak.
Sik-a nan enyamanak. | inmagtan ka is waya
ay inmipalin-awa. |
| 2. Tay san inmey ay akhew
kag ak pay san nalewlew.
Fasol omap-apayaw
ya chadlos ngomawngawngaw. | 4. Jesus ay inmisalak
inchowam nan ompaak.
Fasolko napakawan.
Siya san em inkateyan. |
| 3. Ket ay isnan seg-angmo
ya chad-ama'y layadmo | 5. Jesus ay machad-ayaw
sik-a nan enmichawchaw
is lagsakko'y engkhana.
Enyaman ak ken sik-a. |

29 Nan Chonon Satanas

Hebreo 2:14-15

Ayog: Ride On Ride On With Majesty

- | | |
|---|--|
| 1. Satanas feson Dios Apo.
Apo siya isnan anito.
Et siya nan chey mangid-idlo
isnan managsopla'y takho. | 5. Siya et na nan nateknana
ken chatako'y mamati'n siya.
Winayaana chatako
isnan ateb nan anito. |
| 2. Si Satanas et ammonia
nan nalaka ay maawis.
Ta maitapi cha ken siya
nan cheycha'y manopla's nan
Dios. | 6. Etey 'di tako omegyat
tay Jesus inafakna et
san ngaag ay si Satanas
isnan nateyana's nan kros. |
| 3. Nan ngaag ay cheycha'y takho
ay mangola ken Dios Apo
ken Satanas mitapi cha
isnan chosa'y eng-engkhana. | 7. Machad-ayaw nan Dios Apo
tay inchowana'n chatako
nan Anakna'y Jesu Cristo
ay kaisalakan tako. |
| 4. Siya et na nan chey khapona
kag cha et falod tet-ewa
isnan chey timpon nan
fiyagcha
tay nan etey eyatench'a. | |

30 Nan Mangad-i ken Jesus, Ad-iyencha si Apo Dios

Lucas 10:1-12

Ayog: Junior Comafay

1. Nan manawat ken Jesus
enlagsak cha ay chadlos.
Dios wad-ay ken chaicha
et maiyolnos cha ken siya.
2. Ngem nan mangad-i'n Jesus
ad-iyencha akhes nan Dios
ay nenwad-ay ken chaicha.
Machosa cha's chachama.

31 Nan Ili ay Inakhalan Jesus

Lucas 19:41-44

Ayog: Menwassawes Ka'y Chakhem

1. Jerusalem ay ili
inakhalan Jesus chi.
Tay nan cheysha ay takho
inad-i cha si Cristo.
2. Egay cha naam-amwan
nan omigwa's ompaan.
Tay ad-i cha maila
nan chey kinatet-ewa.
3. Tay siya sa et inomchan
nan akhew ay nenlewsan
nan fosocha'n chaicha
ya ket napakawas cha.
4. Mo ke chatako'd wani
ad-i tako angnen chi.
T'ad-i tako isegchan
nan en pakadchosaan.
5. Siya mo awaten tako
nan infaan Dios Apo.
Chengngen ta nan kalina
ta sa tako't oompa.

32 Fasol Chokokhan Tako

Lucas 15:11-19

1. Mo mamingsan chatako
nafoslon nan siyang tako.
Ya nan et chey laylaychen
nan en tako pasiyat-en.
2. Nay et ilacen tako
nan finmasolan tako.
Fasol chokokhan tako
ken Dios somakhong tako.

33 Nan Naiyornos ken Cristo

Roma 6:3-11

Ayog: Faken sa's Ikitkoway

1. **Lalaki:**
Kaag ko's Apo Cristoway
issan chey nafonyakhak. Is ay.
2. **Fafai:** Nakiolnos ak ken siya.
Ya nakietey ak ken siya. Is ay.
3. **Lalaki:**
Nan ngaag chinokokhak ay.
Inad-ik asi fiyagkoway. Is ay.
4. **Fafai:** Jesus ad-i matmatey.
Finmangon isnan etey. Is ay.
5. **Lalaki:**
Ensiyag makilagsak ak ay.
Maid ek omegyatan. Is ay.
6. **Fafai:** Is mateyak ay timpo
miyamong ak ken Cristoway.
Is ay.
7. **Lalaki**
Lagsakko mid pengpengna ay
id chaya's eng-engkhana. Is ay.

34 Sad-en Apo Dios nan Takhona

Lucas 15:20-24

Ayog: Bring Your Kite and Let Us Play

1. Chadlos nan kinaanos
nan Entotongcho ay Dios.
Ad-in aog-ogkhayen
nan an-akna'y nadchongaw
nan an-akna'y nadchongaw.
2. Aligna san chey ama
ay inan-anosana
ay nan-ed san anakna
ay inmadchawi ken siya
ay inmadchawi ken siya.
3. Ya issan tinmoli siya
finadsachowana.
Sa et inpasingsingna
ta maila'y anakna
ta maila'y anakna.
4. Siya kayet ken Dios Ama
sad-ena nan takhona
ay enfafawi ken siya
isnan kinomsawancha
isnan kinomsawancha.

35 Nan Kasasaad nan Mamati

Roma 14:8-9

Ayog: Bibak Melody

1. Siya na nan kasasaad
nan marmati isnan Dios.
Kalota ay enfib-iyag
maiornos ken Jesus
ay enfib-iyag.
Tongpalena, nan filin Apo Dios
ya mamati ken Apo'y Jesus
maiornos.
2. Et siya chi mo mid fiyagna
khechangna'y maiornos.
Patyena, ichayawna
si Apo tako'y Jesus
ichayawna.
Tongpalena, nan filin Apo Dios
ya mamati ken Apo'y Jesus
maiornos.
3. En-iso nan nal-os ta
isnan matatakho ta.
Tay si Jesus nan Apo
nan matey ya matakho
et en-iso.
Mid egyatko, isnan chey
mateyak
tay sisya'y si Cristo nan Apok
mo matey ak.
4. Nikaob Jesu Cristo
ngem kasiñ siya natakho.
Isonga siya nan Apon
nan matey ya matakho.
Siya nan Apo.
Mid egyatko, isnan chey
mateyak
tay sisya'y si Cristo nan Apok
mo matey ak.
5. Ad-i fali's eteyko
ken Cristo niyornos ak.
Sia sisya'y Apok Diosko
itoloyko'y enlagsak
ischi'd tongcho.
Mid egyatko, isnan chey
mateyak
tay sisya'y si Cristo nan Apok
mo matey ak.

36 Sino nan Sagkhong Tako?

Lucas 10:29-37

Ayog: Isnan Fakinlolota

1. Nay nan khawis ay takho ay inog-okhod Cristo.
Esa'y Samaritano kachalan id Jerico.
2. Chalan omey id Jerico pinat-owan cha'y takho.
Pinat-owan mangakew sa cha et inpakasiw.
3. Inmona et nan pachi ay nangaspo ken tod-i.
Inmey inoschongana magtek mid infachangna.
4. Nan nangila'y mikadwa mid kayet infachangna.
Siya nan esa'y kag pachi makwani'y apon Levi.
5. Nan nangila'y mikatlo esa'y Samaritano.
Siya san chadlos naseg-ang issan chey napat-owan.
6. Et en na inakhasan sokhat san napat-owan.
Esa na't painomen esa na't pasakayen.
7. Inyey na'y inpatokkhong isnan esa ay afong.
Sa na et finayachan nan afang nan intey-an.
8. Idwanin pay et sino ken chaicha ay tolo nan makwanin sagkhongna?
Siya san wad-ay seg-angna.

37 Nan Kasasaad nan Mamati

Roma 14:8-9

Ayog: Inagkhid - Aptik

1. Nan kasasaad, nan kasasaad nan mamati isnan Dios.
2. Kalota, kalota ensiyang miyornos ken Dios.
3. Nan mamati, nan mamati angnena nan filin nan Dios.
4. Mo matey, mo matey et miyornos ichayawna's Dios.
5. Si Jesus, si Jesus Apon natey ya matakho.
6. Ay natey ngem, ay natey ngem kasin natakho's Cristo.
7. At matey, at matey ya kasin tako matakho.

38 Nan Naiyornos ken Apo Dios

Ayog: Ogkhayam

1. Mo laychen tako'y chadlos
ay miyornos isnan Dios
kaseseg-ang ay takho
seg-angan tako chadlo.
2. Olay nan cheysha'y ngaag
pail-an tako's layad.
Olay ngaag cha'y takho
anosan tako chadlo.
3. Isnán takho'y iib-a
isnan posí ay kanancha
chaicha'y maseg-angan
ad-i tako imotan.

39 Nan Timpo ay Omaliyan Cristo

I Tesalonica 5:1-11

Ayog: Bontoc Soslay

1. Is aliyan Jesus isnan lofong
am-in kamabfalin mawegweg cha.
2. Keltaat kag etey aliyana
maid makaammo tet-ewa.
3. Nan takho cha cha enlaglagsak
ya omin-inom cha isnan alak.
4. Isnán chey timpo mid makalayaw
isnan chey maiyegyat ay akhew.
5. Ngem chatako'y midchine'y Kristiyano
at kad-in nakasakhana tako.
6. Ken chatako nay et maid egyat
tay nay et chaya nan naisokat.
7. Tay at pomakawan nan Dios Apo
at ad-i chomosa ken chatako.
8. Mod-i ket palaglagsakena
chatako is engkhaengkhana.

40 Nan Nangilasat isnan Likhhat

Nan Naipaammo 2:7,11,26-28; 3:5,12

Ayog: Inagkhid - Ancho

1. Naoney nan, naoney ay nangilasat asnan likhat.
2. Tay at igwan, tay at igwan Dios nan fongaencha.
3. Nan oney ad-i, nan oney ad-icha iyegyat nan etey.
4. Ichowan Jesus, ichowan Jesus nan fomsog ay makakan.
5. Nan faloy ngachan, nan faloy ngachan igwana ken chaicha.

41 Ad-icha Ammo

Lucas 24:1-8

Ayog: Sigsigorado Dominguez

1. Nanfafai inyeycha'y, alilay
nan fangfanglo ken Jesus. Alila ay ay.

Koro: Ad-icha ammo ay
at kasin matakho si Cristo. Alila ay ay.

2. Nan chey ay awak Jesus, alilay
kakaofan eg-aycha inila. Ay ay.

Koro: Ad-icha ammo ay
kasin pet natakho si Cristo. Alila ay ay.

3. Kinwanin san anheles, alilay
en yo man anapen nan finmangon? Ay ay.

Koro: Ad-icha ammo ay
kasin pet natakho si Cristo. Alila ay ay.

4. Nan inan-a sinmekcha, alilay
san chey kinwanin Cristo. Alila ay ay.

Koro: Nan Dios machad-ayaw
tay Jesus kasin et natakho. Alila ay ay.

42 Nan Khotok nan Inmaliyan Jesus

Hebreo 9:26-28

Ayog: To Jesus Christ our Sovereign King

1. Id sangad-om ay chey timpo maid tako ken Dios Apo.
Et maid kaikkanana ay somag-en tako ken siya.
2. Mid kakay nan fasol tako ken Dios maid ornos tako.
Siya et chi nan maigkhapo inmali si Jesu Cristo.
3. Naay et kinerwayana nan chalan tako'n Dios Ama.
Nan chey omkeb kinaana isnan chey ay nateyana.
4. Tay at matey tako am-in nan Dios okomena am-in.
5. Ya at maid egyat tako olay isnan en katteyan.
Isnан kaokoman tako maid et enomegyatan.
6. Nay apchas et nakaan nan chosan nan nenfasolan.
Si Jesus yangkhay misegchan isnan kasina aliyan.
7. Makilagsak tako's nan Dios.
Ischi maid enngongoyos.
Maid khofat, maid likhat.
Layad, seg-ang nan nisokat.

43 Nan Nalaing ya Nasilib ay Takho

Lucas 12:41-48

Ayog: He leadeth Me

1. Nan takho'y ifilang nan Dios ay nalaing ya nasilib,
et siya nan nensasakhana isnan omaliyan Jesus.
 2. Makwani siya ay naanos.
Ad-in a laychen nan ngaag.
Chonona angnena'y khawis.
Ad-i'n foteng ya en-engag.
 3. Ib-ana et seg-angana.
Ad-i enchwa nan pantewna.
Ammona't omali's Cristo.
Naoya, ad-i enkholo.
- Koro:**
- Makiapo makiapo makiapo
ischi'd chaya.
Tay inangnena'y lebfengna
makiapo ken Dios Ama.

Nan Maikap-at ay Casset

44 Nan Mangikatpe isnan Likhaw Khapo ken Jesus

Nan Naipaammo 2:7,11,26-28; 3:5,12

Ayog: Lubuagan

1. Nan takho'y nangilasat
isnan ngaag nakhasat.
Nan fonga lamanancha
ay at igwan Dios Ama.
2. Igwana nan makakan
ay ad-i kaowatan.
Ngachancha et soktana
ay misakhay id chaya.
3. Nan nangad-i's nan ngaag
migwa'y facho'y enpokaw.
Ngachancha isnan liblon
nan siyag ad-i kasangaw.
4. Jesus en na takchekhan
chaicha isnan sakhang
nan cheycha ay anghelles
ya nan sakhang Apo Dios.
5. Makiili cha'd tongcho
isnan ilin Dios Apo.
Igwan Cristo'n sokeycha.
Makiapo cha'd chaya.

45 Nan Ong-onga ay Finangon Jesus isnan Etey

Lucas 8:40-56

Ayog: Where Have All The Flowers Gone

1. Olay mo mavid fiyagmo
at matakho ka kasiñ
is aliyan Jesu Cristo
ay mangokom isnan takho.
2. Ya ket kinwanin Jesus
at maid maam-amas
tay is kamaodchiyana
at chadlo omayag siya.
3. Takho ay angsaangsan
posi, ngaag ya faknang
nan takho fangonena
is timpon pinag-okomna.
4. Kinwanin san si Jesus
isnan chey anak Jairus,
“Anakko fomangon ka!”
Sinmakhong nan leng-agna.
5. Sa cha et pinangan siya
san safai ay ong-onga.
Tay faken anito siya.
Wad-ay met nan awakna.
6. San ong-onga natakho.
Kag akhes ken chatako.
Fangonena chatako
is omaliyan Cristo.

46 Ilaen Tako Am-in Si Cristo

Lucas 21:5-9

Ayog: Jesu Cristo'y Apomi

1. Timpo'y aliyan Cristo
at wad-ay nan mangwani.
2. Mangwani en Cristo siya
agkha ket ya faken siya.
3. Ngem ad-ijo patpatyen
olay pay mo patyencha.
4. Nan cheycha'y nasailowan
chachama'y selaegcha.
5. Tay mo omali's Cristo
at ilan tako am-in.
6. Ya maid et enhwadchwa
tay en tako't inila.

47 Selaeg nan Tapina

Lucas 16:14-15

Ayog: Daliliyan

1. Selaeg nan chey takho
ay cha kag khawigkhawis.
Dalililiyan daliyan daliliyan.
2. Tay kaidchayawana
agkha ket ya ngaag siya.
Dalililiyan daliyan daliliyan.
3. Selaeg nan mangakhom
isnan kokwa's nan lofong.
Dalililiyan daliyan daliliyan.
4. Tay isnan kamodchiyana
at maid maalana.
Dalililiyan daliyan daliliyan.
5. Nan semken tako chadlo
ay laychen nan Dios Apo.
Dalililiyan daliyan daliliyan.
6. Et nan chadlo napateg
ya nan chey kinalenteg.
Dalililiyan daliyan daliliyan.

48 Nan Makhanob nan Nakapet ken Apo Dios

Santiago 1:12-18

Ayog: Lights of Home

1. Wen naoney nan takho
ay mangichine'n Cristo.
Et olay malikhatan
en na an-anosan.
Et khawis anosana
nan likhat ikatpena.
Ya olay malikhatan
en na an-anosan.
2. Mo ngaag maawis ka
ad-im pay ifagsakha
ay inawis Dios sik-a
tay em khinakhala.
Dios, et ngaag ad-in.
Nan ngaag ipawana.
Fasol sik-a'y kalpowana
tay em khinakhala.

Koro:

Nan osto'y sofalit ken siya
ay menlayad ken siya'y Dios
Ama
et siya nan siyang is eng-engkhana
ischi id chaya.

Koro:

Ngem nan Dios layaychena
sik-a.
Nan fasolmo pakawanena
mo ifafawim chi ay osto
nan cheey fasolmo.

49 Nan Naoney ay Takho

Lucas 7:18-23

Ayog: Fonyag Omali Kayo

1. Isnan am-in ay likhat
isnan timpon nan khofat
isnan chey kakaegyat
ya isnan fitil paymo owat.

Koro:

Naoney cha nan takho
ay ad-i makak-aan
nan afolotcha ken Cristo.

2. Isnan en kaeyyawan
olay agyod nan ikkan
isnan kailayosan
ya isnan chey ay enkattayan.

50 Ad-i Tako Ngomaya

Ayog: Isnan Fakinlolota

1. Isnan fakinlolota
maid malanoy isna.
Magtek tak-en mo siya sa
ad-i tako ngomaya.
2. Tak-en mo ensikhafan
nan kalina'y wanwanchen
mo ke kayet abfoloten
tay siya nan kaisalakan.
3. Tak-en mo sikhab nan fiyag
Dios at chadlo omayag
is kaen-ap-apowana
id chaya'y mid pengpengna.
4. Mo ke tako an-anosan
tay kalota sin-ak-itan.
Nan fiyag et sin-ak-itan.
Makwas pay et kaokoman.
Ay ay.

51 Maipalikhat nan Mamati ken Cristo

Lucas 21:10-19

Ayog: Santo Santo Santo'y Apo

1. Isnan nganngani timpo
ay omaliyan Cristo
at khofat et angsan cha.
Nan lota et enyekha.
Nan takho at mabtil cha.
At nan mamati'n Cristo
matilew mafalod cha.
2. Isnan chey ay timpona
ad-i kayo ngomayngaya.
Tay siya chi nan timpona
kail-an nan tet-ewa
mipangkhep ken Dios Apo.
At misalakan kayo
ay mamati ken Cristo.

52 Maila nan Pammatin nan Takho isnan Okhalina

Mateo 25

Ayog: O Ina Ay Jerusalem

1. Lalaki

Insakhana nan Dios Ama
entey-an id chaya.
Entey-an ay eng-engkhana.
Khawis ay tet-ewa.

2. Fafai

Et siya chi nan omayancha
nan nangipaila
layadcha ya nan ornoscha
layadcha ya nan ornoscha
ken Apo'y Dios Ama.

3. Lalaki

Et siya chana nan naneg-ang
isnan kaseseg-ang.
Naew-ew inpainomcha.
Nowat pinangancha.

4. Fafai

Kaili inpachag-oscha
isnan afob-ongcha.
Nan falod sineg-angancha.
Nan falod sineg-angancha
et finachowancha.

5. Lalaki

Nan nasakit inilacha
et inlowalowancha.
Nan takho ay kaseseg-ang
chaicha'n namachang.

6. Fafai

Id chaya nan entey-ancha
is engkhaengkhana.
Dios et kad-in foyaencha.
Dios et kad-in foyaencha.
Chachama'y lagsakcha.

7. Lalaki

Nan entey-an ay mikadwa
isnan eng-engkhana
inferno ay kadchosaan
nan takho'y milaw-an.

8. Fafai

Inferno winad-ay Apo
faken pala takho
mod-i ket pala anito
mod-i ket pala anito
ay foson nan Apo.

9. Lalaki

Id inferno nan tey-ancha
is engkhaengkhana.
Satanas ya nan ib-ana.
Nay et selaegcha.

10. Fafai

Wad-ay cha akhes nan takho
kafoson Dios Apo.
Kaseseg-ang mid seg-angcha.
Kaseseg-ang mid seg-angcha.
Inferno torngencha.

11. Lalaki

Si Satanas nan apocha
is engkhaengkhana.
Tay en cha et nasailwan
ke cha't kaseseg-ang.

53 Nan Machosa ay Machosa

Lucas 17:1-4

Ayog: Santo Santo Santo'y Apo

1. Nan chey mangipafasol
isnan ib-ana'y takho
et khawis et yangkhay mo
miparneng ta miyanod.
2. Tay nan chey manailo
isnan ib-ana'y takho
at machosa'y machosa
chachama ay machosa.

54 Nan Kaokoman Tako

Lucas 21:25-28

Ayog: Ave Maria

1. Isnan aliyan Cristo
ay kaokoman tako
am-in tako ay takho
chachama'y egyat tako.

Koro:

Jesus is aliyana
mamati'n siya ilancha.
En cha et malin-awa
tay at misalakan cha.

2. Nan fayfay kakaegyat
ya omangsan nan khofat.
Nan takho et masngang cha
ngomaya nan tap-ina.

55 Ad-i Kayo En-ag-akha'y Lib-a

Juan 14:1-6

Ayog: Ad-i Kayo En-ag-akha'y Lib-a

1. Apostoles enngongoyos
cha isnan kinwanin Jesus.
Tay is timpo'y kamodchiyana
at maid ilancha ken siya.

Koro:

"Ad-i kayo en-ag-akha'y iib-a."

2. Et kinwanin Apo Jesus,
"Ad-i kayo enngongoyos.
Id chaya omon-on a ak.
Entey-anjo isakhanak."

Koro:

"Ad-i kayo en-ag-akha'y iib-a."

3. "Chadchakowag afong Ama.
Angsaangsan nan kowartocha.
Sya chachi ek isakhana.
Ad-i kayo somasanga."

Koro:

"Ad-i kayo en-ag-akha'y iib-a."

4. "Et tet-ewa nan nay kanak
tay is omali ay timpo
ay kifosna omali ak
et sak ayakhan chakayo."

Koro:

"Ad-i kayo en-ag-akha'y iib-a."

5. "At iyeyko chakayo'd chaya
isnan chey ek isakhana.
Makitee kayo'n sak-en
ischi isnan eng-engkhana."

Koro:

"Ad-i kayo en-ag-akha'y iib-a."

6. "Tay ammoyo met nan chalan
id chaya ay chey ek ayan."
Ya ket Thomas kinwanina,
"Ento et nan ikakkana?"

Koro:

"Ad-i kayo en-ag-akha'y iib-a."

7. Ya ket ay kinwanin Jesus,
"Sak-en nan osto ay chalan.
Sak-en nan tet-ewa'y chadlos.
Nan fiyag sak-en en na
kalpowan."

Koro:

"Ad-i kayo enhwadchwa ay iib-a."

8. "Maid makaeey ken siya
ken Ama ischi id chaya.
Sak-en ona aliyan
esa pay omey ken Ama.

Koro:

"Ad-i kayo en-ag-akha'y iib-a."

9. Chatako ay naiyornos
ken Apo tako ay Jesus
maid et san egyat tako.
Inmipadchine si Cristo.

Koro:

"Ad-i kayo enhwadchwa ay iib-a."

10. Idwanin maid et egyat.
Layad seg-ang nan naisokat.
Nan etey siya nan pantewna
ay omey ischi id chaya.

56 Nan Khotok nan Inmaliyan Jesus

Lucas 5:27-32

Ayog: Isnan Fakinlolota

1. Ngag khotok inaliyan
Jesus isnan nay lota?
Inmali ngen mamachang
isnan khawis ay takho?
2. Jesus eg-ay ta lawa
inmali's nan sinomya
mod-i nan mid filangcha
chaicha'y inalina.
3. Nenkasakit ya posi
chaicha'y inalina.
Linayadcha't si Jesus.
Fasol infafawicha.
4. Siya akhes nan fachang Jesus
isnan chey mangwaniyan
ken Jesus Anak nan Dios
nan en tako'n kolangan.

57 Nan Nasopit ay Segpan

Lucas 13:24

Ayog: Bibak

1. Eestenyo ay somkhep
isnan chey ay nasopit
ay segpan ischi'd chaya.
Ad-i kayo ngomaya, ad-i kayo.
2. Mamachas et angsan cha
ay somkhep ischi'd chaya.
Ento mo en cha somkhep
ke cha't ad-i makaskhep, tet-
ewa na.

Koro:

Eestenyo ay somkhep id chaya
isnan chey nasopit ay chalan.

58 Ad-i Maamas nan Kalina

Lucas 16:16-17

Ayog: Sigsigorado Dominguez

1. Nan kalin nan Dios Apo alilay
ad-i inkaam-amas. Alila ay ay.
2. Nan am-in at makonto alilay
ngem ad-i nan kalin nan Dios.
Alila ay ay.
3. Nan losong at maamas. Alilay.
Nan chaya at maamas.
Alila ay ay.

Koro:

Ngem nan chey kalin nan Dios
sisya sisya'y ad-i maam-amas.
Alila ay ay.

59 Nan Kasasaad Tako id Kasin

Efeso 2:1-9

Ayog: Trinidad 1, 2, Bibak

1. Id kasin et kag tako
natey tay eg-ay tako
pinati nan Dios Apo.
Isyangkhay laychen tako.
2. Kag tako isnan cheycha
takho's fakinlolota
ay maid pammaticha
ken Apo ay Dios Ama.
3. Onochencha's Satanas
ay apon si anito.
Chinokokhancha akhes
si Apo Jesu Cristo.
4. Mid khawis si sadsad-en
tay en tako inangnen
san chey filin Satanas
ay cha enpakpakawas.
5. Finmasolan migkhapo
is lomigtan nan Apo.
Mid kasin sad-en tako
mod-i nan chosa tako.
6. Ngem wad-ay nan seg-ang
Dios.
Layadna mid pengpengna.
Mid pengpeng en na seg-ang
ken chatako'y an-akna.
7. Filinena chatako
tatno sigfikhen tako
nan nenkamalyan tako
ta enfafawi tako.
8. Ya sa et omiyornos
ken Apo tako'y Jesus.
Ya falo'y siyag igwana
ken chatako'y takhona.
9. Khinmaeb ken chatako
ay chadlos entotongcho
mo nan anhelesna.
Chachama'y yaman ken siya.
10. Pammati nan chomalat
ken chatako mid egyat.
Isnан etey mid kasin
et chosa tako'd wanin.
11. Naay et napakawan
en tako nenfasolan.
Naipalenteg tako
ken Apo Jesu Cristo.
12. Machad-ayaw Dios Ama
isnan chey inangnena.
Katataa'y fachangna
ken chatako'y takhona.

60 Sino nan Egyaten Tako?

Lucas 12:4-7

Ayog: Lomawig id Kalawitan

1. Mid omegyatan tako's takho
tay somokhat yangkhay nan takho.
Mabfalina'y pateyen nan awak tako
ngem mid fetlena's nan leng-ag tako.

Koro:

Dios yangkhay nan egypten tako
tay kamabfalin nan Dios Apo
ay en mamatey ken chatako
ya omibkas ischi'd inferno.

2. Maid en omegyatan tako
ken Satanas ya nan anito.
Tay chey apchas et inafak Jesu Cristo
san si Satanas ya nan anito.

61 Nan Naan-anitowan id Gerasimo

Lucas 8:26-33

Ayog: Big Iron on his Hip

1. Issan ili'd Gerasimo
sinab-at Jesu Cristo
nan esa'y lalaki'y takho
ay sinkhep si anito.
Sinlifo cha'y anito
ay nentee's san takho
ay chadlos nalalafosan.
Afongna'd kakaofan.
Et kaseseg-ang.
2. San lalaki et tet-ewa
chachama san fikasna.
Kad-in takchencha's kachina
ngem kad-in sokpotena.
Nan takho omegyat cha.
Maid makaipap-a
engkhana'y inmali's Cristo.
Sinyogna't san chimonyo
ay chey sinlifo.
3. Khinmawis et san chey takho.
Linmin-awa et chadlo.
Inmegyat san cheycha'y takho
issan kamabfalin Cristo.
Nenseg-ang cha et ken siya
ta taynana'y ilicha.
Fotog en cha sinomkhepan
san anito'y ang-angsan.
Nekchag cha't am-in.

62 Nan Chonon Satanas

Hebreo 2:14-15

Ayog: Ride On Ride On With Majesty

1. Satanas foson Dios Apo.
Apo siya isnan anito.
Et siya nan chey mangid-idlo
isnan managsopla'y takho.
2. Si Satanas et ammonia
nan nalaka ay maawis.
Ta maitapi cha ken siya
nan cheycha'y manopla's nan
Dios.
3. Nan ngaag ay cheycha'y takho
ay mangola ken Dios Apo
ken Satanas mitapi cha
isnan chosa'y eng-engkhana.
4. Siya et na nan chey khapona
kag cha et falod tet-ewa
5. Siya et na nan nateknana
ken chatako'y mamati'n siya.
Winayaana chatako
isnan ateb nan anito.
6. Etey 'di tako omegyat
tay Jesus inafakna et
san ngaag ay si Satanas
isnan nateyana's nan kros.
7. Machad-ayaw nan Dios Apo
tay inchowana'n chatako
nan Anakna'y Jesu Cristo
ay kaisalakan tako.

63 Nan Naisisikhod ay Kasasaad nan Takho

Roma 6:20-23

Ayog: Jewish Melody

1. Naiyanak nan takho ay kag faa.
Et faan nan chey fasolna kannay siya
isnan sakhang nan Dios Ama.
Id kasin ngaag siya mid paat kinalentegna.
Nay et mabfain ken siya'y Dios Ama
mipoon isnan chey ngaag ay inangnena.
2. Esaesa'y takho'y eg-ay niyornos
ken Ama ya Apo tako ay Jesus
sisya nan kasasaadna
tay etey egyatena ay esa ay chawatena.
Ya chosan nan chey ay fasolna.
Chosana id inferno isnan eng-engkhana.

- Ngem chatako'y naiyornos ken Cristo
en tako't sad-en sofalit Dios Apo.
Dios somokey ken chatako.
Id chaya makiapo tako kcn Jesu Cristo.
Fasol napakawan, fiyag nasoktan
is fiyag ay mid pengpengna ay naispiritowan.

64 Nan Kasasaad nan Etey nan Kristiyano

I Tesalonica 4:13-14

Ayog: Leng-agmo'y Jesu Cristo

- Ngag nan kinatet-ewa
Kristiyano mo matey cha?
Kasasaadcha't khawis
songa mid enngongoyos.
Nan kasasaadcha't khawis
isonga maid enngongoyos.
- Ngem takho'y mid ammocha
pangkhep nan mateyancha
tay mid sad-encha's khawis
en cha et enngongoyos.
Tay mid sad-encha's khawis
naay et en cha enngongoyos.
- Si Jesus id sangad-om
inmey kasin finmangon.
Sya akhes chi nan mangnen.
Fomangon tako kasin.
Sya akhes nan maangnen.
Fomangon tako kasin am-in.
- Tay patyen tako's Cristo
at omayag siya'y Apo.
Makitee tako'n siya
id chaya's eng-engkhana.
At makitee tako'n siya
id chaya is eng-engkhana.

65 Ensasakhana Tako isnan Omaliyan Cristo

Lucas 21:34-38

Ayog: Cowboy

- Isnan tod-i ay timpo
ay omaliyan Cristo
nan takho's nan fatawa
ad-i cha nensakhana.
- Teken nan chonchonенча.
Lagsak nan at ammocha.
At waschin cha kakakan
ya waschin cha iinom.
- Ya ket ay isnan timpo
ay mid chadlos ammocha
maanali't si Cristo
kecheng maaspowan cha.
- Sya et nay semken tako.
Ensasakhana tako
tay ad-i tako ammo
nan aliyana'y timpo.

66 Nan Kasin Aliyan Cristo

Lucas 17:34-37

Ayog: Tikwarden

1. Is kasin aliyan Jesus
nan chwa enhichipa cha.
At mataynan nan esa
at maala nan esa.
Ensinalidomaay.
2. Ya ket kaannali siya
si Jesus ken chaicha.
Tay maid makaammo
is kasin aliyan Cristo.
Ensinalidomaay
ensinalidomaay.

67 Ad-i Maammowan nan Omaliyan Cristo

I Tesalonica 5:1-11

1. Isnan kasin aliyan
Jesus isna ay lofong
am-in ay kamabsalin
at mawegweg cha am-in.
Nan aliyan Cristo'y chey
kag keltaat ay etey.
Nan chey en na aliyan
at adi kaam-amwan.
2. At kag isnanfafai
kertaat naannali
nan chey omanakana
ya ket ay en-anana.
Takho cha cha'n laglagsak.
Omin-inom cha's alak.
Nan chey timpo fayaw
at maid makalayaw.
3. Ngem chatako ay osto
ay mamati ken Cristo
nakasakhana tako
tay naisolwan tako.
Ad-i tako ton-ochen
nan cheyche ay amfotngan.
Maseseyep ay cheyche
tay nemnemcha enhwadchwa.
4. Pafifikasen tako
layad, chine ken Cristo.
Tay Dios insakhanana
nan chey isofalitna
ken chatako'y niyornos
ken Apo tako'y Jesus.
Et kateyan mid egypt
tay chaya nan misokat.

68 Maid Mangammo isnan Aliyan Cristo

Lucas 17:22-33

Ayog: Western

1. Isnan tod-i ay timpo
ay omaliyan Cristo
nan takho's nan fatawa
ad-i cha nensakhana.
2. Teken nan chonchonенча.
Lagsak nan at ammocha.
At waschin cha kakakan
ya waschin cha iinom.
3. Ya ket ay isnan timpo
ay mid chadlos ammocha
maanalit si Cristo
kecheng maaspowan cha.
4. Siya et nay semken tako.
Ensasakhana tako
tay ad-i tako ammo
nan aliyan'a'y timpo.

69 Ensasakhana Tako Tay Omali si Cristo

Lucas 12:35-40

Ayog: Green Beret

1. Ensasakhana tako.
Ad-i tako somanga.
Ad-i tako ngomaya
tay at omali's Cristo.
2. Ad-i kag tako isnan
faa ay maseseyep.
Masapol fetngen tako
ay at omali's Cristo.
3. Waschin et ensakhana
isnan omaliyana
tay maid makaammo
isnan aliyan Cristo.

70 Tinmoli si Apo Jesus id Chaya

Lucas 24:50-53

Ayog: Kasar

1. Tinmoli si Apo Cristo
id chaya'y makiap-apo
ken Amana ischi'd tongcho
wad-ay ay tomotokcho.
Tomotokcho is ka
kannawan Amana
ay makabfalin am-in
id chaya'y mid pengpengna.
2. Is omali ay timpo
kasin omali's Cristo
mangokom isnan loko
ya nan khawis ay takho.
Nan khawis omey cha
ken Dios ischi'd chaya.
Ken Dios makiap-apo cha
id chaya'y mid pengpengna.